

	DOKUMENTI 9		
KONTROLI I LARTË I SHTETIT			
Departamenti i Auditimit të Performancës	31	05	2022

Aktverifikimi nr. 2

(Mbi auditimin e ushtruar në Ministrinë e Kulturës dhe institucionet në vartësi; Drejtoritë Rajonale të Trashëgimisë Kulturore, në zbatim programi i auditimit nr. 100/1, prot., datë 06.04.2022)

Objekti këtij akt verifikim është: Auditim në zbatim të programit auditim i performancës nr. 100/1, prot., datë 06.04.2022 me temë “Mbrotjtja dhe Administrimi Monumenteve të Kulturës” i cili zhvillohet në Ministrinë e Kulturës dhe në institucionet e varësisë: Drejtoritë Rajonale të Trashëgimisë Kulturore, IKTK dhe IKRTK.

Audituesit e grupit të auditimit kryen verifikim në Drejtoria Rajonale e Trashëgimisë Kulturore Shkodër më datat (26; 27; 30 dhe 31.05.2022), si rezultat i një ankese e paraqitur pranë KLSH^{së}. Pasi u mor në shqyrtim ankesa e paraqitur nga z. Altin Koseri (ardhur me email më datë 04.05.2022 dhe protokolluar në KLSH me nr. 456/2, prot., datë 23.05.2022), në të cilën ngrihet problematika në lidhje me rikonstruksionin e objektit “**Kafe e Madhe**” në qytetin e Shkodrës (objekt monument kulture kategori e parë), në të cilën pretendohet se, është falsifikuar relacioni teknik (dhënie mendimi) dhe më konkretisht janë paraqitur dy relacione ku, një relacioni i parë ndodhet në protokollin e institucionit, ndërsa një relacion tjetër është dërguar nëpërmjet platformës (e-leje).

Për këtë qëllim audituesit e KLSH^{së} Xhuljeta Celaj (Përgjegjëse grupi), Vladimir Rizvani dhe Marjana Lako kryen verifikimin në terren për pretendimet e ngritura nga personi i cili ka dërguar ankesën në KLSH dhe nga verifikimi lidhur me këtë çështje u konstatua se;

- Projekti i restaurimit të objektit “**Kafe e madhe**” është miratuar më Vendim të Këshillit Kombëtar të Restaurimeve nr.168, datë 08.07.2016 i cili ka miratuar projektin “**Restaurimi dhe ndërtimi i objektit 2–3 kate, me 1 kat nën tokë të Kafes së Madhe**” me vërejtjen e evidentuar se; “të lehtësohet fasada e ndërtimit të ri nga elementët dekorativë të stilizuar”. Ky vendim është marrë në përputhje me kriteret e parashikuara nga ligji nr. 9048, datë 07.04.2003 “Për trashëgiminë kulturore”.

Për periudhën nga momenti i miratimit të projektit me vendimin cituar më sipër, në DRTK Shkodër janë gjetur të arkivuara shkresat si më poshtë:

- Shkresa nr. 59, prot., datë 08.04.2016 nga “Xhenis–Sh” shpk drejtuar ish/DRTK Shkodër (Drejtoria Rajonale e Kulturës Kombëtare) “Shqyrtim Projekt Restaurimi”.
- Shkresa nr. 79, prot., datë 11.04.2016 nga ish/DRTK Shkodër drejtuar Institutit të Monumenteve të Kulturës “Gani Strazimiri”;
- Shkresa nr. 152, prot., datë 15.06.2016 nga ish/DRTK Shkodër drejtuar Institutit të Monumenteve të Kulturës “Gani Strazimiri” përcjellje projekti;
- Shkresa nr. 241, prot., datë 16.11.2016 nga Instituti i Monumenteve të Kulturës “Gani Strazimiri” me nr. 448, prot., datë 14.11.2016 me të cilën përcillet miratimi i rishikimit të projektit të miratuar me vendimin e KKR nr. 168, datë 08.07.2016, sipas vendimit të KKR nr.

237, datë 04.11.2016. Ky rishikim i vendimit nuk ndryshon kushtet e restaurimit të objektit në fjalë dhe të projektit në tërësi.

Në vijimin të procesit të verifikimit të dokumentacionit rezultoi sa më poshtë:

- DRTK Shkodër me shkresë nr. 144, prot., datë 21.05.2021 “Vënie në dijeni për projektin e Kafes së Madhe” drejtuar subjektit “Xhenis–Sh”shpk dhe Inspektoriatit Ndërtimor Urbanistik Vendor, për dijeni Ministrisë së Kulturës, Institutit Kombëtar të Trashëgimisë Kulturore dhe Prefektit të Qarkut Shkodër në të cilën kërkohet sa më poshtë:

“ ... në mbështetje të ligjit nr. 27/2018 “Për trashëgiminë kulturore dhe Muzetë”, nenit 79 “Lejet për ndërhyrjet në pasuritë kulturore”, pika (7) ku qartësisht citohet se; “Afati për fillimin e punimeve nuk mund të jetë më shumë se një vit, nga data e miratimit të lejes për ndërhyrje. Afati i përfundimit të punimeve përcaktohet në bazë të kalendarit të punimeve miratuar nga KKTKM^{ja}. Shtyrja e afatit të përfundimit të punimeve dhe ndryhimi i subjektit zbatues të përcaktuar në lejen e ndërhyrjes kryehen nga autoriteti që ka miratuar lejen me kërkesë të subjektit të pajisur me licencë. Shtyrja e afatit kryhet vetëm një herë, për një periudhë jo më të gjatë se afati fillestar, dhe jo më vonë se sa 45 ditë nga përfundimi i lejes së ndërhyrjes”.

Për sa më sipër nga momenti i miratimit të ndërhyrjes nuk është zbatuar vendimi i vitit 2016 dhe ndërsa për këtë çështje DRTK i drejtohet subjektit duke vendosur në dukje se për të zbatuar punimet në këtë objekt subjekti duhet ti drejtohet IKTK për të kërkuar shtyrjen e afatit të punimeve me qëllim që të realizohet projekti. Referuar në mediat lokale punimet në objekt kanë filluar e për këtë arsye kërkohet që të pezullohen punimet nga firma deri në marrjen e masave si dhe plotësimin e dokumentacionit lidhur me projektin.”

Në vijim të kësaj shkrese DRTK Shkodër, nga data 24.05.2021 deri më datë 28.05.2021 ka kryer 3 inspektime dhe ka mbajtur procesverbalet përkatëse (procesverbal nr. 144/1, prot., datë 24.05.2021; procesverbal nr. 144/2, prot., datë 25.05.2021 dhe procesverbal nr. 144/3, prot., datë 28.05.2021), në të cilët ka konstatuar nisjen e punimeve, vendosjen e llamarinave dhe vendosjen e tabelës informuese lidhur me lejen e ndërtimit, shembjen e objektit (mungesë të ndërkateve, çatisë, dyerve dhe dritareve, në këmbë qëndron vetëm fasada kryesore dhe fragmente të mureve perimetrale). Në momentin e këtyre inspektimeve nuk janë gjetur punëtor në vend.

DRTK Shkodër me shkresën nr. 144/4, prot., datë 28.05.2021 “Për marrjen e masave urgjente për pezullimin e menjëhershëm të punimeve në objektin “Kafja e Madhe Shkodër”, i është drejtuar Drejtorisë Vendore të Policisë, Inspektoriatit Kombëtar të Mbrojtjes së Territorit, Prokurorisë së Rrethit Gjyqësor Shkodër, Bashkisë Shkodër – për në dijeni Ministria e Kulturës, IKTK dhe Prefektit të Qarkut Shkodër - në të cilën kërkohet se, nga inspektimet e vazhdueshme që DRTK Shkodër ka kryer në terren është konstatuar se, tabela informuese në kantier se subjekti “Xhenis – SH”shpk është pajisur me leje ndërtimi nr. 128, datë 26.03.2021. Punimet e së cilës po kryhen nga shoqëria zbatuese “Kopsaj” shpk, si dhe mbikëqyrës punimesh Ing. Gëzim Likaj.

Nga Bashkia nuk është kthyer përgjigje me shkresë për informacion për këtë leje për dhënie mendimi në DRTK, si dhe firma nuk ka njoftuar për fillimin e punimeve. Për këtë arsye nga DRTK Shkodër kërkohet marrja e masave nga Drejtoria Vendore e Policisë dhe IKMT për këtë çështje për pezullimin e menjëhershëm të punimeve.

Në vijim të kësaj shkrese nga DRTK Shkodër janë kryer inspektime të dokumentuara me procesverbalet përkatës sa më poshtë:

- Procesverbal nr. 144/5, prot., datë 31.05.2021
- Procesverbal Nr. 144/6, prot., datë 01.06.2021

- Procesverbal Nr. 144/7, prot., datë 02.06.2021
- Procesverbal Nr. 144/8, prot., datë 03.06.2021 (hequr ekskavatori nga objekti)
- Procesverbal Nr. 144/9, prot., datë 04.06.2021
- Procesverbal Nr. 144/10, prot., datë 07.06.2021
- Procesverbal Nr. 144/11, prot., datë 08.06.2021
- Procesverbal Nr. 144/12, prot., datë 09.06.2021
- Procesverbal Nr. 144/13, prot., datë 10.06.2021
- Procesverbal nr. 144/15, prot., datë 14.06.2023¹ (kantier i mbyllur dhe nuk vërehen punime)
- Procesverbal nr. 144/17, prot., datë 15.06.2021
- Procesverbal nr. 144/19, prot., datë 16.06.2021
- Procesverbal nr. 144/21, prot., datë 17.06.2021
- Procesverbal nr. 144/23, prot., datë 18.06.2021
- Procesverbal nr. 144/24, prot., datë 21.06.2021 (nuk ka punime në kantier dhe kantieri vazhdon të jetë i mbyllur)
- Procesverbal nr. 144/26, prot., datë 22.06.2021
- Procesverbal nr. 144/27, prot., datë 24.06.2021
- Procesverbal nr. 144/28, prot., datë 28.06.2021
- Procesverbal nr. 144/29, prot., datë 01.07.2021
- Procesverbal nr. 144/30, prot., datë 02.07.2021
- Procesverbal nr. 144/31, prot., datë 05.07.2021
- Procesverbal nr. 144/32, prot., datë 09.07.2021
- Procesverbal nr. 144/33, prot., datë 12.07.2021
- Procesverbal nr. 144/34, prot., datë 19.07.2021
- Procesverbal nr. 144/35, prot., datë 22.07.2021 (në afërsi të objektit është hapur një kanal gjatësor dhe po kryhen punime nga UKT Shkodër)
- Procesverbal nr. 144/36, prot., datë 23.07.2021. (Kantieri është i mbyllur por vazhdoen punimet nga UKT Shkodër)

Me shkresën nr. 144/14, prot., datë 14.06.2021, IKMT (Drejtoria rajonale Shkodër) kërkon që DRTK Shkodër të përcjell të gjithë dokumentacionin lidhur me këtë objekt.

Me shkresën nr. 950/2, prot., datë 07.06.2021 (protokolluar në DRTK nr. 144/16, prot., datë 14.06.2021) dërguar nga IKTK në DRTK Shkodër (për dijeni Ministria e Kulturës), ku IKTK shprehet se vlefshmëria e lejes nuk është i vetmi problem në këtë çështje e për kërkohet që DRTK të dërgojë pranë IKTK një relacion të detajuar mbi ndërhyrjet e vëzhguara nga DRTK dhe si qëndrojnë këto në raport me projektin e miratuar me vendim të KKR nr. 168, datë 08.07.2016.

Me shkresën nr. 8373/1, prot., datë 14.06.2021 (protokolluar në DRTK Shkodër me nr. 144/18, prot., datë 16.05.2021) IKMT i përgjigjet DRTK Shkodër thuhet se titullari i institucionit që me një vendim të ndërmjetëm të urdhëron pezullimin e punimeve, në kushtet kur ende nuk është funksional Inspektoriati sipas ligjit nr. 27/2018 “Për trashëgiminë kulturore dhe muzetë”.

Shkresa nr. 144/20, prot., datë 16.06.2021 “Kthim përgjigje IKTK”, DRTK i ka dërguar inspektoriatit me CD projektin e restaurimit të Godinës “Kafja e Madhe”, si dhe kopjen e vendimit të KKR.

Shkresa nr. 8373/2, prot., datë 15.06.2021 nga Bashkia Shkodër (protokolluar në DRTK me nr. 144/22, prot., datë 17.06.2021) Kthim përgjigje Bashkia Shkodër sqaron se:

Në vijim të marrjes së vendimit nga KKR, Bashkia me vendimin nr. 320, datë 26.12.2017 ka dhënë lejen e ndërtimit për objektin në fjalë me zhvillues “Xhenis – Sh” shpk, pronar Belma Çela, Agron Çela dhe subjekt ndërtues “BH&SB” shpk.

Në sistemin elektronik (e-lejet) më datë 19.02.2021 me nr. AN190220210047 e administruar nga Bashkia Shkodër me nr. 3190, prot., në të cilën depozitohet kërkesa e zhvilluesit “Xhenis – Sh” shpk për “Shtyrje të afatit të lejes së ndërtimit”. Kjo kërkesë është miratuar me vendim nr. 320, datë 26.12.2017, punimet e të cilës kanë filluar referuar shkresës nr. 710/1, prot., datë 18.01.2018 “Leje për fillim punimesh”. Shtyrja e afatit të lejes është bazuar në nenin 40, pika 3 të ligjit nr. 107/2014 ‘Për planifikimin dhe zhvillimin e territorit’, i ndryshuar.

- Shkresa nr. 144/25, prot., datë 21.05.2021 DRTK kthen përgjigje IKTK (për dijeni Ministrisë së Kulturës) lidhur me projektin ku evidentohet se projekti ka qëllim ndërhyrje restauruese kur ndërkohë konstatohet se objekti është shembur pjesërisht, pasi nga objekti qëndron në këmbë vetëm fasada kryesore. Gjithashtu firma “Kopsaj” shpk nuk ka licencë restaurimi dhe DRTK nuk ka asnjë informacion mbi fillimin e punimeve, ditarin teknik dhe grafikun e punimeve.

Nga shqyrtimi dokumentacionit për vitin 2021 u konstatua se, projekti është depozituar në platformën digjitale (*e-leje*) si aplikim “Brenda kufirit të qendrës historike” me aplikues “Altus Atelier” dhe zhvillues “Xhenis-Sh” shpk, me titull **“Restaurim i fasadës – rindërtim i kafes së madhe dhe ndërtim i ambienteve ndihmëse”** administruar në DRTK me nr. 243, prot., datë 26.08.2021.

Nga një verifikim i librave të protokollit për vitin 2021 u konstatua se, DRTK Shkodër ka hartuar një Relacion teknik “*Dhënie mendimi*” për këtë aplikim me nr. 243/1, prot., datë 26.08.2021, në të cilin jepet **“mendim negativ”** mbi aplikim e dërguar, pasi në preventivin e miratuar parashikohen ndërhyrje restauruese në interior; në fasadë; në çati etj, ndërkohë që nga inspektimet është evidentuar se objekti është shembur (ka mungesë të çatisë, të dyerve, të dritareve dhe të ndërkateve, qëndron në këmbë vetëm fasada kryesore. Nga platforma (*e-leje*) rezulton se, aplikimi është refuzuar nga IKTK pasi nuk është plotësuar projekti.

Lidhur me sa shtjelluar më sipër u konstatua se, për këtë projekt në vitin 2022 është depozituar në platformën digjitale (*e – leje*) si aplikim “Brenda kufirit të qendrës historike” me aplikues “Altus Atelier” dhe zhvillues “Xhenis – Sh” shpk me titull “Restaurim i fasadës – rindërtim i kafes së madhe dhe ndërtim i ambienteve ndihmëse” e administruar në DRTK Shkodër me nr. 125, prot., datë 25.03.2022.

Nga verifikimi i librave të protokollit për vitin 2022 u konstatuar se, në vijim të aplikimit në (*e – leje*), DRTK Shkodër ka hartuar relacionin teknik “*Dhënie mendimi*” e protokolluar me shkresën nr. 125/1, prot., datë 06.04.2021 e nënshkruar elektronikisht nga znj. Besara Podgorica me detyrë drejtoreshë DRTK Shkodër; znj. Sabrina Kuçi me detyrë arkitekte; z. Elson Laqja me detyrë inxhinier topograf; z. Fatjon Mlloja me detyrë arkitekt – restaurator. znj. Sabrina Kuçi me detyrë arkitekte; z. Elson Laqja me detyrë inxhinier topograf; z. Fatjon Mlloja me detyrë arkitekt – restaurator kanë hartuar dhe nënshkruar elektronikisht relacionin më datë 05.04.2022, ndërsa drejtoresha e institucionit ka nënshkruar elektronikisht më datën 07.04.2022, ndërsa shkresa përcjellëse është hartuar dhe protokolluar më datën 06.04.2022 (kjo shkresë përcjellëse nuk është as me vulë të njomë dhe as me firmë me stilolaps).

Grupi i auditimit kërkoi nga stafi DRTK që të kryej një verifikim në PC në praninë e punonjësit Helidon Sokoli. Nga verifikimi u konstatua se, në kompjuterin e punonjësit z. Helidon Sokoli me detyrë përgjegjës i sektorit të arkeologjisë gjendej një relacion tjetër me nr. 125/1, prot., datë 04.04.2022, i cili nuk rezulton të jetë në protokollin e institucionit me këtë datë. Lidhur me sa më sipër, grupi i auditimit i kërkoi titullarit të institucionit të verifikojë se cili nga dy dokumentet (relacione) të gjetura në DRTK është ngarkuar në platformën (*e-leje*).

Nga verifikimi i kryer në platformën digjitale (**e-leje**) u konstatua se, në platformën digjitale gjendet dokumenti (relacion) me nr. 125/1, prot., datë 04.04.2022 i cili nuk gjendet në protokollin e institucionit.

Nga këqyrja e dy dokumenteve dhe krahasimi i tyre u vërejtën këto ndryshime:

Në formë:

Dokumenti me nr. 125/1, prot., datë 06.04.2022:

- Dokumenti gjendet në protokoll
- Është konceptuar si relacion bashkë me shkresë përcjellëse
- Dokumenti nuk është ngarkuar në e - lejet

Dokumenti me nr. 125/1, prot., datë 04.04.2022:

- Dokumenti nuk gjendet në protokoll,
- Dokumenti është ngarkuar në e – lejet
- Është vetëm relacion teknik.

Në përmbajtje ndryshojnë paragrafët si më poshtë:

Dokumenti me nr. 125/1, datë 06.04.2022:

Paragrafi: *“Teknika e ndërtimit për sa i përket restaurimit të objektit nuk përkon me legjislacionin në fuqi për pasuritë kulturore. Në projekt (preventiv dhe specifikime teknike) gjejmë të përdoruar elemente si sistemi kapot për veshjen e jashtme, apo përdorimin e duro alumini në dyer dhe dritare. Gjithashtu konsiderojmë projektin e paplotë për sa i takon detajeve arkitektonike për ndërkatet, ndërtimin e çatisë etj, të cilat nuk na lejojnë të krijojmë një ide të plotë mbi realizimin zbatimin e tij.*

Nga shqyrtimi i dokumenteve të projektit të ardhur në e-leje me nr aplikimi AN160320220010 konstatojmë se projekti ka nevojë për plotësime të mëtejshme referuar gjendjes aktuale të objektit.”

Dokumenti me nr. 125/1, datë 04.04.2022.

Ndryshon në: *“Teknika e ndërtimit për sa i përket restaurimit të objektit nuk përkon me legjislacionin në fuqi për ndërhyrjet në pasuritë kulturore. Në projekt (preventiv dhe specifikime teknike) gjejmë të*

përcaktuara elemente të tilla si: sistemi kapot për veshjen e jashtme të fasadës, apo përdorimin e materialit duro-aluminium në dyer dhe dritare. Marrë parasysh rëndësinë që ka ky objekt për qytetin, si pjesë identitare e tij dhe për vlerat e tij historiko-arkitekturore që mbart edhe pse jo në gjendje integrale, vlerësojmë se rindërtimi i godinës duhet bërë në përshtatje me konsultimin në dokumentet arkivore si foto, planimetri të vjetra që ka për këtë objekt, si pjesë e korpusit të trashëgimisë historike të Shkodrës, specifikisht duke shfaqur mospajtimin tonë në përdorimin e dyerve dhe dritareve me material duralumin por në zëvendësimin e tyre me material druri. Kjo edhe në vazhden e mos cenimit të ansamblit të Qendrës Historike në Shkodër. Në vijim, specialistët e DRTK Shkodër, konsiderojnë hartimin e projektit të paplotë për sa i takon detajeve arkitektonike për ndërkatet dhe ndërtimin e çatisë etj, të cilat nuk na lejojnë të krijojmë një ide të plotë mbi realizimin dhe zbatimin e tij. Nga shqyrtimi i dokumenteve të projektit të ardhur në e - leje me nr aplikimi AN160320220010 konstatojmë se projekti ka nevojë për plotësime të mëtejshme referuar gjendjes aktuale të objektit, duke theksuar domosdoshmërinë e ruajtjes së vlerave dhe autenticitetit.”

Dy dokumentet cituar më sipër, pra ai që ndodhet në protokollin e institucionit dhe ai që nuk ndodhet në të, por që është ngarkuar në e – lejet pa pasur të gjitha firmat e duhura, nuk kanë ndryshime në thelb, pasi të dy relacionet japin mendim negativ, pra refuzues për projektin e

ri të paraqitur në DRTK Shkodër. Veprimet e mësipërme bien në kundërshtim me ligjin nr. 9154, date 06.11.2003 “Për Arkivat”, si dhe Norma tekniko-profesionale dhe metodologjike të shërbimit arkivor në Republikën e Shqipërisë. Për sa më sipër mbajnë përgjegjësi znj. Besara Podgorica, Drejtoreshë e DRTK Shkodër dhe z. Helidon Sokoli, përgjegjës i sektorit të parkut arkeologjik Shkodër – Lezhë, në cilësinë e personave që kanë nënshkruar këtë dokument dhe e kanë ngarkuar atë në platformën e – lejet.

Nga verifikimi në terren grupi auditimit konstatoi se, subjekti aplikues Altus Atelier (projektues Archispace Studio dhe zhvillues “Xhenis – Sh” shpk) ka aplikuar përsëri në vitin 2022 me një projekt totalisht të ri me titull **“Restaurim i fasadës – rindërtimi kafes së madhe dhe ndërtim i ambienteve ndihmëse”**, pasi subjekti zhvillues ka shembur objektin në kundërshtim me projektin e miratuar me vendimin e KKR nr. 168, datë 08.07.2016, të rishikuar sipas vendimit të KKR nr. 237, datë 04.11.2016.

Diferencat midis dy projekteve të vitit 2016 dhe vitit 2022:

Projekti i parë është restaurimi pasi objekti është në këmbë, pavarësisht se është në gjendje të degraduar; Ndërtimi një objekti të ri dy dhe tre kate. Vlera e preventivit është **111,953,159 lekë me tvsh.**

Projekti i dytë është restaurim i fasadës së mbetur në këmbë nga objekti pas prishjes dhe rindërtim i Kafes së Madhe pasi ndërkohë zhvilluesi i projektit të vitit 2016 e ka shembur atë në vitin 2021; Ndërtim i ambienteve ndihmëse 3 kate pas godinës së kafes së madhe. Vlera e preventivit është **201,848,969 lekë me tvsh.**

Statusi aktual i projektit në vitin 2022 sipas platformës (e-lejet) është “Dërguar për plotësim dokumentacioni” nga IKTK subjektit aplikues.

AUDITUESIT SHTETËROR TË KLSH	PËRFAQËSUESIT E DRTK SHKODËR
Xhuljeta ÇELAJ	Besara PODGORICA
Vladimir RIZVANI	Helidon SOKOLI
Marjana LAKO	
Nr. <u>160/3</u> Prot. DRTK Punonjëse e Zyrës së Protokollit Sidjona Ujka	
Datë <u>31</u> / <u>05</u> /2022	

Shënim për subjektin e auditimit (pjesë e aktverifikim).

Në lidhje me këtë aktverifikim i mbajtur në 3 kopje me 6 (gjashtë) fletë i protokolluar në Drejtoria Rajonale e Trashëgimisë Kulturore Shkodër me nr. 160/3, datë 31/05/2022, institucioni dhe çdo person tjetër i cili mendon se preket si pasojë e rezultateve të tij ka të drejtën e paraqitjes së komenteve dhe shpjegimeve në Kontrollin e Lartë të Shtetit, **brenda një jave** nga marrja e këtij aktverifikimi.

Drejtoria Rajonale e Trashëgimisë Kulturore Shkodër, duhet të paraqesë në Kontrollin e Lartë të Shtetit një listë të të gjithë personave të cilëve iu është vënë në dispozicion ky aktverifikim, si dhe atyre personave njoftimi i të cilëve ka qenë i pamundur të realizohej si pasojë e arsyeve të ndryshme objektive, duke sqaruar specifikisht (rast pas rasti) hapat e ndërmarra për njoftimin e tyre dhe arsyet e mosarritjes së njoftimit.